

Bosna i Hercegovina
Federacija Bosne i Hercegovine
Kanton Sarajevo
Općina Ilijaš
OPĆINSKI NAČELNIK



Bosnia and Hercegovina
Federation of Bosnia and Hercegovina
Sarajevo Canton
Municipality Ilijas
MUNICIPALITY MAJOR

Služba za prostorno uređenje i stambeno-komunalne poslove

OPĆINSKO VIJEĆE ILIJAŠ

**Odgovori na vijećnička pitanja i inicijative sa 8. sjednice Općinskog vijeća Ilijaš
održane dana 27.4.2017.godine**

Ilijaš: Maj 2017.godine

SEAD ŠEHIĆ – vijećnik SBB-a

Pitanje: "Postavljam pitanje nadležnoj općinskoj službi, a na zahtjev mještana "Donje Karaule", obzirom da je na navedenom lokalitetu kod groblja isječen asfalt radi krpljenja ceste. To je se uradilo negdje pred zadnje Lokalne izbore, od tada je prošlo skoro osam mjeseci, a asfalt još nije pokrpljen, a došlo je i do dodatnih i do drugih prirodnih i mehaničkih radnji i pojava. Stoga mještane Donje Karaule, interesuje kada će navedeni asfalt biti konačno pokrpljen, je li to planirano za vrijeme ljetnog održavanja puta ili nekad prije ili poslije? Jednostavno da li postoji nalog da se to uradi"?

Odgovor: Postoji nalog za izvođenje radova i radovi treba da se izvedu do kraja maja 2017 godine.

MIRSAD OSMANOVIĆ – vijećnik SDP-a

Tražim od nadležnih Službi da mi dostave odgovore na pitanja i inicijative koje sam na ranijim sjednicama predlagao, a do ove sjednice nisam dobio odgovore, od istih izdajem:

Inicijativa 1: Dostaviti Informaciju o radu Tima za implementaciju strategije održivog razvoja 2013-2017 godine, te Informaciju o radu Komisije za monitoring i evaluaciju, jer ta Komisija mora godišnje izveštavati OV-e, a koliko je upoznat Klub SDP-a, da se to ne radi.

Odgovor:

odgovor dat u materijalima "Odgovori na vijećnička pitanja i inicijative sa 4. sjednice OV Ilijaš održane dana 29.12.2016 godine". Odgovor dat ispred presjedavajućeg tima za implementaciju.

Inicijativa 2: Da li je istina da se od strane općinskog načelnika razmatra naplata parking prostora, ukoliko je istina, tražimo da nam se dostave predviđene lokacije?

Odgovor: od strane općinskog načelnika nisu pokretane aktivnosti za naplatu parking prostora.

Inicijativa 3: Kada je predviđeno okončanje radova na rekonstrukciji puta kod Alić rampe?

Odgovor: Inicijativa je dostavljena Direkciji za puteve Kantona Sarajevo.

Inicijativa 5: "Da se izgradi trotoar na dionici od firme Tranzit do malešičkog mosta".

Odgovor: Inicijativa je dostavljena Direkciji za puteve Kantona Sarajevo.

ADEM ALIĆ – vijećnik SDA

Inicijativa: Pokrećem inicijativu da se u naseljima Popovići i Salkanov Han izvrši rekonstrukcija niskonaponske mreže. Obrazloženje: U navedenim naseljima nalaze se stari i dotrajali stubovi putem kojih je sprovedena niskonaponska mreža. Navedeni stubovi u stanju u kakvom se sada nalaze svakodnevno su izloženi opasnosti od pada i rušenja na imovinu kao i na saobraćajnicu. S tim u vezi predlažem rekonstrukciju niskonaponske mreže u naseljima Popovići i Salkanov Han.

Odgovor: Inicijativa je dostavljena "Elektrodistribuciji" Sarajevo i u prilogu je odgovor.

ALEN HASKOVIĆ – vijećnik SDA

Inicijativa:

Pokrećem ponovo inicijativu za rješavanje problema odlaganja otpada u kontejnere koji se nalaze u Podlugovima preko puta "EDEKE", naime kontejneri su konstantno prenatrpani otpadom koji odlaže obližnja mesnica "Šabanac", zbog istog se okupljaju psi lutalice koji raznose otpad po ulici što stvara lošu sliku na samom ulazu u Ilijaš. Kao moguće rješenje predlažem da se privrednim subjektima obezbijede zasebni kontejneri za odlaganje namjenskog otpada. (Prilog 2: fotografije sa lica mjesta).

Odgovor: Inicijativa je dostavljena KJKP "Rad" d.o.o. Sarajevo.

Napomena: U prilogu je odgovor iz KJKP "RAD" d.o.o. Sarajevo na inicijativu vijećnika Semira Dedića i iz "Elektro distribucije" Sarajevo na inicijativu vijećnika Adema Alića.

Služba za prostorno uređenje
i stambeno komunalne poslove